

dam antiqua membrana, quasi *Argath*, id est, *supra Getas*, ut ibi exponitur: Camdenus malit *supra Cath*, obiacet enim *Cath* regioni *Scotia*, quam ob promontorium *Cathness* nunc vocant, cujus Incolæ *Carini* pro *Cahini* perperam Ptolemæo nominari videntur. Solini ætate homine vacarunt, & junceis herbis inhorruerunt, nunc vero cultæ sunt, sed sine filvis, hordei satis feraces, tritici & arborum omnino indigæ. Serpens in eis nullus aut venenosus animal. Animalium greges numerosissimos nutriunt: Lepores, Cuniculi, Grues & Cygni hic multi. Copiosa item in his piscatio est, ex qua Incolæ non parum emolumenti capiunt. Iulius Agricola classe primus Britanniam circumveſtus Orcadas ad id tempus incognitas, invenit domuitque, tantum abest ut Claudius devicerit, (quod Hieronymi Chronicis asseritur.) Deinde vero cum Romanorum concideret in Britannia Imperium, Pictorum sedes fuerunt. Postea in Norwegorum potestatem & Danorum devenerunt: unde Gothice loquuntur Incolæ: & demum Christiernus Rex Daniæ pacta pecunia, Anno MCCCClxxi i i i i omne jus suum in regem *Scotia* transfudit. Harum autem præstantissima *Pomonia* Episcopali cathedra celebris; a Solino *PO MONA* diutina ob diei prolixitatem vocata, hodie *Mainland* incolis, quasi continens esset. Stanni & plumbi ferax, ac sede Episcopali in *Kirk & Vale* opidulo, & duobus castris ornata. *Ocetis* etiam inter has a Ptolemæo recensetur, quam *Heib* nunc dici conjectat Camdenus. An vero *Hey*, quæ inter has numeratur Plinii *Dumnæ* dicam, inquit idem Camdenus, nondum statui. Certe si non sit, malim *Faire Ile*, i. *Insula pulchra*, cujus opidum quod habet unicum *Dumæ* dicitur, *Dumnæ* existimare, quam cum Becano *Ward-buys* in Lappelandia censere. Hactenus ille. *Zelandiam* quoque unam earum nominat Ioannes Major, quin-quaginta mille passibus in longum expositam. Incolæ porro harum Insularum cum abundantia hordei potentissimum conficiant potum, & omnium mortalium sint bibacissimi, nullum tamen in eis unquam ebriū, aut mentē alienarum, nullum amentem aut stolidum visum esse testatur Boëtius. His proximæ *Hebrides* Insulæ numero xli i i i, quas Beda *Mevanias*, Ethicus *Betoricas*, Giralbus alibi *Inchades & Leucades*, Scoti *West-erne Iles*, i. Occiduas Insulas: Ptolemæus cum Plinio & Solino *Ebudæ* vocat. Harum triginta esse Plinius scripsit, sed quinque recenset Ptolemæus. Prima *Ricina* est, Plinio *Ricnea*, Antonino *Riduna*, nunc *Racline*. Insula hæc exigua est objecta Hiberniæ. Proxima *Epidium* est nunc *Ila* (teste Camdeno) Insula satis ampla, & campestri planicie ferax. Inter hanc & Scotiam *Iona* interjacet, Bedæ *Hy & Hu*, situ plano gaudens, in qua Episcopalis est sedes, in *Sodore* opidulo, unde Insulæ omnes *Sodorenses* etiam dictæ fuerunt, quod in ejus dice-cessi censentur; celebris autem est Regum *Scotia* sepultura. Inde *Maleos* est Ptolemæi, nunc *Mula*, cujus Plin. meminit, cum inquit *Reliquarum Mellæ xxxv mill. pass. amplior proditur*. *Hebuda* Orientalior nunc *Skie*, deinde *Scotia* littori longe obdenditur, & *Hebuda* Occidentalior magis in Occasum divergens, nunc *Lewes*, cui præest *Mac cloyd*, & in antiquo Manniæ libro *Lodbus* dicitur, monticulis prærupta, saxosa & raro cultore, sed omnium amplissima, a qua exiguo Euripo *Eust* disjungitur. Cæteræ præter Hyrriham ignobiles sunt aut saxis asperæ, aut cautibus inviæ, & vix virenti cespite vestitæ. Sequuntur *Mona* & *Vectis* de quarum altera, in tertia Tabula Angliæ, de altera in septima agemus.

Soli fertilitas.
Animalium
varietas.

Imperium ma-
jorum.

Hebrides, eorum
nomina.